

Канон пред иконой Пресвятой Богородицы Свенская Печерская

Память празднуем 3 (16) мая

Тропарь, глас 4-й

Днесь свѣтло торжествует Печѣрская обитель и радуется явлѣнием образа Богоматере безмѣрный лик Печѣрских отцев, с нимиже и мы непрестанно вопиѣм: радуйся, Благодатная, Печѣрская похвало.

КАНОН, глас 8-й

Песнь 1

Ирмос: Колесницегонителя фараона погрузи чудотвори иногда Моисейский жезл, крестообразно поразив и разделив море, Израиля же беглеца, пешеходца спасе, песнь Богу воспевающая.

Припев: Пресвятая Богородице, спаси нас.

Помощница и Покровительница еси обители Печерския, Дево Чистая, помози нам вину прославити Тя и разрешение прегрешений подаждь, молимся, Всенепорочная.

Пресвятая Богородице, спаси нас.

Владетель земли Черниговския Роман зрѣния лишися и, уведев о чудесех, от иконы Твоей Печерския бывших, прилежно моляшеся Тебе.

Слава: Архимандрит Печерский, внемля прошению Боголюбиваго Романа, совещаешся с братиею и отпусти святую Твою икону со иереем в ладии по Десне реце.

И ныне: Ангельское пение подобаше приносити Тебе, Матери Божией, Творца бо всех родила еси странно, но и от нас приими, Владычице, смиренныя сия похвалы.

Песнь 3

Ирмос: Утверждей в начале Небеса разумом и землю на водах основавый, на камени мя, Христе, заповедей Твоих утверди, яко несть свят, паче Тебе, Едине Человеколюбче.

Пресвятая Богородице, спаси нас.

Утверди сердца наша во уповании на Тя, Пречистая Госпоже, яко утвердиша веру Романа, раба Твоего, да вопиѣм: несть свят, яко Господь, и несть праведен, яко Бог наш.

Пресвятая Богородице, спаси нас.

Утру бывшу, иконы Твоея не обретеша в ладии, и, обретше ю на древе, верху брега, радовашеся.

Слава: О сем дивном Твоем смотре́нии возвести́ша Боголюбивому Рома́ну, и сей, радости и умиления исполненный, от глубины сердечныя со слезами моля́шеся Тебе́, те́мже и на́ша во умилении приноси́мая похвалы́ и проше́ния не прэ́зри.

И ныне: О Пречу́дная Влады́чице Богоро́дице, Ма́ти Христа́ Бо́га на́шего, – рече́ слепы́й владете́ль, – да́руй ми прозрети́, да ви́жу свет и лицезрею́ чу́дный о́браз Твой.

Господи, помилуй (*трижды*).

Седален, глас 4-й

Егда́ яви́ся о́браз Твой, Пречи́стая, в це́ркви Пече́рстей, тогда́ воспéша Ти вси, ви́девши чу́до сиé, с ни́ми же и мы, ве́дуще в явлéнии сем сугу́бую благода́ть в обители́ на́шей, ра́достно взыва́ем Ти и любóвию чтим лик Пречи́стый Твой, Богообра́дованная, при́сно нас снабдева́ющая любóвию Своёю.

Сла́ва, и ныне: Свётлое днесь Госпо́жи на́шей Пресвятыя настá торжество́, весели́ся, пречу́дный Али́пие со ино́ки Пече́рстими, да ликовствую́т вси боголюбивии собóри: созывает бо нас Пресвята́я Богоро́дица просла́вити чу́дную Свою́ ико́ну, луча́ми ми́лости не то́кмо обитель Пече́рскую, но и зéмлю Бря́нскую просвеща́ющую, те́мже, ра́дующеся, вси вопие́м: спаси́ ны, Де́во Чи́стая.

Песнь 4

Ирмос: Ты моя́ кре́пость, Госпо́ди, Ты моя́ и си́ла, Ты мой Бог, Ты моё ра́дование, не оста́вь не́дра Отча и на́шу нищету́ посетив. Тем с проро́ком Авваку́мом зову́ Ти: си́ле Твое́й сла́ва, Человеколю́бче.

Пресвята́я Богоро́дице, спаси́ нас.

Боголюбивый Рома́н, я́коже иногда́ Закхе́й, радости исполнь, вопия́ше Тебе́, Пречи́стая; ели́ка и до́ле узрю́ с ме́ста сегó на все четы́ре страны́, толи́ко прида́м к до́му Твоему́ и сози́жду храм и обитель, иде́же Ты возлюби́ла ме́сто сиé.

Пресвята́я Богоро́дице, спаси́ нас.

Егда́ прибли́жися к дре́ву, иде́же бе ико́на Твоя́, па́ки сей раб Твой вопия́ше Тебе́: Пресвята́я Влады́чице, услы́ши глас моли́твы моея́ и да́руй свет оча́м мо́им.

Слава: Услы́шавши сиé приле́жное молéние раба́ Твоего́, Пречи́стая Влады́чице, а́бие исполни́ла еси́ проше́ние Его́; та́ко внемли́ мольба́м и нас, смире́нных и недостóйных.

И ныне: Зря́ше сиé дивное зна́мение ми́лости Твоея́, архиере́й земли́ тоя́, ино́цы и вси лю́дие ра́дости исполнися́ и восхвали́ша Тя.

Песнь 5

Ирмос: Вску́ю мя отрину́л еси́ от лица́ Твоего́, Свёте Незаходи́мый, и покры́ла мя есть чужда́я тьма, ока́яннаго, но обрати́ мя и к свéту за́поведей Твои́х пу́ти моя́ напра́ви, молю́ся.

Пресвятая Богородице, спаси нас.

Видь, Преблагословенная, от ноши утрениюющих чад паствы Твоея, ныне окружающих честную и достохвальную икону Твою, величающих безмерную Твою милость и просящих разрешение грехов и жития исправление, не отрини нас от светоноснаго лика Твоего.

Пресвятая Богородице, спаси нас.

Архиерей земли Брянския, прием в руке свои от древа чудную икону Твою, благоговейно облобызая и молебныя пения воспе Тебе.

Слава: Сия честная икона Твоя, от Печерския обители принесенная и от руки преподобнаго Алипия начертанная, благословение святых Лавры – дома Твоего, на землю Брянскую излиша, и мы, сему радуящеся, благодарственными словесы воспеваем Тя.

И ныне: Боголюбивый князь Роман, благодарения Тебе, Всечистая, исполнь, храм во имя Успения Твоего сооруди и обитель иноческую учреди, да непрестанно славословится величие Твое.

Песнь 6

Ирмос: Очисти мя, Спасе, многа бо беззакония моя, и из глубины зол возведи, молюся, к Тебе бо возопих, и услыши мя, Боже спасения моего.

Пресвятая Богородице, спаси нас.

Слава иконы Твоея, от обители Печерския принесенная, озаряше не токмо землю Брянскую, но и до града Москвы достигше, сего ради вопием Ти: радуйся, всея земли наша похвало.

Пресвятая Богородице, спаси нас.

Три лета икона Твоя, Владычице, пребываше во граде Москве и абие со славою принесена бысть во обитель Свенскую, мы же ныне прославляем Тя, сего ради невредимы нас сотвори.

Слава: Честная Твоя икона явися воистинну покров державный людем Твоим, яко не токмо иноцы Печерстии, но и людие дальнии обретоша Твою помощь и заступление.

И ныне: В лютое лето нашествия дванадесяте язык людие града Брянска изнесоша честную икону Твою Печерскую и со слезами многими моляхуся, Твоего заступления ищуще.

Господи, помилуй (*трижды*). Слава, и ныне:

Кондак, глас 3-й

Дева днесь невидимо предстоит в церкви и с лики Печерских отцев молится о нас, благоговейно величающих Ея безмерную милость к роду нашему, являшуюся в чудном образе Ея, обитель Печерскую украшающем.

Икос

Оградь моя помышления, Пречистая, и Небесным Твоим благословением подвигни мя достойно воспети славу Твою на месте святем сем, да, надеяся на милость Твою, дерзну убогим языком воззвати к Тебе: радуйся, Печерская славо, от лет древних нас освящающая, радуйся Небесная Игумения обители

нашей, присно zde пребывающая любовью и милосердием; радуйся, упование и крепость рабов Твоих, на месте сем служащих Ти; радуйся, незримо нас благодатию осеняющая в образе Твоём, обитель Печёрскую украшающем.

Песнь 7

Ирмос: Божия низхожденья огонь устыдётся в Вавилоне иногда. Сего ради отроцы в пещи, радованною ногою, яко во цветнице, ликующе, пояху: благословен еси, Боже отец наших.

Пресвятая Богородице, спаси нас.

Людие, обрётше дивное заступление от Твоея пречистыя иконы, Печёрскою именуемая, хвалёбными гласы воспеваху: отец наших Боже, благословен еси.

Пресвятая Богородице, спаси нас.

В пещи искушений и бед опаляемых ороси, Богомати, струями Твоих щедрот, якоже древле явила еси помощь рабам Твоим, внигда врази ослеплены быша и вся сокровища во обитель возвратиша, да зовём велегласно: отец наших Боже, благословен еси.

Слава: Якоже избавила еси некогда игумена Мартиниана с братиею от смерти внезапныя, тако и нас, грешных, в покаянии зовущих, услыши и умиловити Сына Твоего, да зовём Ему: отец наших Боже, благословен еси.

И ныне: Ты – веселие в обителях Твоих живущих и градов древних утешение и похвала, Дево Марие, Препетая и Превозносимая во веки.

Песнь 8

Ирмос: Седмерицею пещь халдейский мучитель Богочестивым неистовно разжжё, силою же лучшею спасены, сия видев, Творцу и Избавителю вопияше: отроцы, благословите, священницы, воспойте, людие, превозносите во вся веки.

Пресвятая Богородице, спаси нас.

Пойте, иноцы Печёрстии вкупе с братиею Свэнскою, прославляй, земле Киевская и Брянская, Благою Владычицу, иконою Своею источающую струи чудес и благодетней, мы же хвалим, благословим, поклоняемся Ти, Богородице, поюще и превозносяще во вся веки.

Слава: Дивныя знамения милости от иконы Твоея Печёрския источила еси, Владычице: духов злых отгнала еси отроковице Екатерине, якоже Роману, зрение даровала еси, сего ради превозносим Тя во вся веки.

И ныне: Явление иконы Твоея сердца иноков, в постё и молитве подвижающихся, возвеселило есть, и тем горшее устремление к Небесному Царствию им внушило есть, тако и нас, немощных, ускори на подвиги, да превозносим Тя во вся веки.

Песнь 9

Ирмос: Ужасёся о сем Небо, и земли удивишася концы, яко Бог явися человеком плотски и чрево Твое бысть пространнейшее Небес, Тем Тя, Богородицу, Ангелов и человек чиновачалия величают.

Пресвятая Богородице, спаси нас.

Приидите вси, благодарственными песнями возвеличим Матерь Божию и к

дѣвному Ея образу благоговѣнно припадѣм, положившую с нами завет милости, прославим Обрѣдованную воскресѣнием Сына Своего.

Пресвятая Богородице, спаси нас.

Богородице Дѣво, упованіе христианом, пробави и нашему роду милости Твоя, бывшия отцем нашим во обители сей, разори совет нечестивых, возстающих на ны, и сей дом Твой преславно соблюди.

Слава: Пресвятая Госпоже наша, поминая неисчетная Твоя благодеяния, иже удивила еси обитель сию от лет древних, Тя, Матерь Божию, величаем.

И ныне: Святая обитель Печерская купно с дщерью своею по духу обителию Свенскою, днесь союзом любви совокуплени, яко всея твари честнейшую и земных всех славнейшую Тя, Богоотроковице, зряще на иконе Твоей Печерстей, ублажаем.